





# كوكو أبو عرف دوكو

د / فضل مسعود

أغاني أطفال



كوكو أبو عرف دوكو

د / فضل مسعود

رقم الايداع / 1759/ 2013 ط ١

ترقيم دولى / ٨ - ٢٣ - ٥٣١١ - ٩٧٧ - ٩٧٨

غلاف ورسوم / رضوى عادل

حقوق الطبع محفوظة لدى الناشر

ليليت للنشر والتوزيع

الإشراف العام / إيمان سعيد

المراسلات : 9 ش صلاح الدين / العطارين

مول الوطنية التجارى / الدور الثانى

ت / 01144595757 / 01224272327

lileteepublishing@gmail.com

إلى عيد الرحمن ..

.. أصغر أبنائي ، إلى كل الأطفال أجبائي ، أهديهم ديوان علّه يرسم خريطة الأمل

لفلذات الأكباد ويصور الحلم حقيقة، تداعبها أناملهم الصغيرة يُضحكهم في

بعض الأحيان ويسيلهم أحياناً أخرى فينمى فيهم الإبداع والذوق الراقى .

أتمنى أن ينال إعجاب أجبائي الصغار ويحوذ رضا الكبار. .

د/فضل







## عيد ميلاد بودى

جينالك وف ميعادك نحضرلك عيد ميلادك

جينالك من قرّيب جينالك من بعيد

ويتاك نفرح ونعيّد ونخط الإيد في الإيد

الليلة إنت السيّد وإحنا نقول ونعيد

يارب تفضل طيب يا رب عيد سعيد

فاكر يا بودى إمبراح الهيئة والملاح

ولا احنا نفكروك

م البيضة كنت طالع لا جناح ولا حتى كوارع

لساك يا دوب كتكوت

دلوقتي طولك فارع إسمالله نازل طالع

ولا فيه ف الدنيا أخوك

الليلة دى اجمل حفلة واللمة فيها احلي مع بودى سيد الكل

راح نسهر إحنا وانت ويارب طولة العمر

وياآلآ بينا ياآلآ مع بودى نطقى الشمع


ونقوله بس كلمة يحفظها بودى صم

من غير لا لن ولا إلآ طالبين العشا للشلة

الشعب يريد المم

## بق الننة

بق الننة بيشخسخ  
وكل سنانها بتتلخلخ  
والولا حمو ولا همه  
مآل يضحك ومسخسخ  
قولوا لسوسو مترعلشى  
مين في صحابها مخلعشى  
اللى أهتم بالمرّة  
واللى يدغدغ ف المحشى  
واللى لسانه طالع برّه  
وكل سنانه ماتنفعشى  
وقولوا لحو فاكرو عمو  
لما ف مرة بيبوسه  
لم سنانه من كته  
حتى نيابه وضروسه  
بيننا زوحله ونقوله  
إوعى تغلّس على سوسو



899

# يالآ يا تختخ

يالآ يا تختخ

عاوزين نضحك لما نسخسخ

بكره أجازة ونفسنا نفرح ليه ولما ذا مله ماش مطرح

يالآ يا تختخ

عاوزين فشرك يعنى براحتك إدي أجازة ساعة لصراحتك

الولا نونو وشبرين طوله خطف العجلة ازاي من تحتك

وإترجيت الناس ما يقولوا إن العجلة تبقى بتاعتك

ولما خسرت ف ماتش الجودووانت بتلعب بس لوحك

واتخبيت ف الدرہ طب ليه لما نويت قال تطبط ساعتك

يالآ يا تختخ

يالآ يا تختخ افرم مخمخ ولا تهز ولا تتلخلخ

خفة دمك خلّت كلك بدرى يقولك حظك بحتك

يالآ يا تختخ

## ميشو

ميشو الهوى عانده لما شعره هشه  
طالع فوق ونازل تانى الهوى طسه  
ماشى ولا سائل بيفكر ف المسائل  
متغير شكل وشه  
جاب الإمبو جنبه وإيه الإمبو ذنبه  
فوق الارض رشه  
ميشو الهوى عانده لما شعره هشه  
طالع فوق ونازل تانى الهوى طسه  
تيتا راحت صارخه فاكرة الدنيا رحة  
يالآ آوام يا ميشو بعد الرحة كحة  
لا يا تيتا لأمش زى مانتى فاكرة  
دا ميشو الهوى عانده  
جاب الإمبو جنبه وفوق الأرض رشه

## أبوقردان

أبوقردان لبس البدلة وخذ قردانه قدامه  
راح يتفسح بالعجلة من غير خوذة على ودانه  
وفجأه وطس ف الشجرة وقع اتكسرتله سنانه  
يابوقردان ياما قلنالك قبل ماتركب خد بالك  
الى جنبك والى وراك والى جاي قدامك  
والخوذة دايمًا وياك وحزامك هو أمانك  
مسمعتش منناب طب ليه ومليت بالعند دماغك  
آخرتها كانت إيه قردانة بتلم سنانك

## كذبة ابريل

عارفين الولا ننص ايه هي قصّته  
قام الصبح خلص ع الاكل كّته  
إتناشر سندوتش وفرختين بكشك  
ايه جنس معدته  
بتمضغ الظلط والأكل شغلته  
وإن قلنا دا غلط يروح على جدته  
ويحلف ما اتملت ولا كّمّل لقمته  
ياننص متزعلشى وخلى بالك طويل  
دى كذبة بيضا منى وهزار لكن تقيل  
كان نفسى بس تفكر وتفكر حبة اكر  
إن النهاردة اصلا هو اول ابريل

## ديك جيرانا عاكس بطة

ديك جيرانا عاكس بطة  
وف كل حتة يقولها كوكو  
راحت وقالت للفرخة ماتامى ديكك كوتوموتو  
حالقلى راسه ظلبطة ولا بسلى كوتشى وكرافته  
وداهنلى عرفه بالدوكو  
ويادوب مكانه ع الخارط  
بليانثشو ويسلى ضيوفه  
حتى ف أدانه بقى ف ورطة  
ضاعت مخارجه وحروفه  
احسن له يدن وف مالطة  
وهناك ح تسمحله ظروفه  
لوحتى يغلط ميت غلطة  
ماحد يسمع ويشوفه  
وقوليله يبعد عن بطة

دا مهما كان ابن الفرخة  
ويا رب يفهم ننوسه  
ولما يحلم يتغطى  
وف حامه على قد فلوسه

## قطة وطلعت ف دماغها

قطة وطلعت ف دماغها تركب أتوبيس  
جه الكسرى بيتذكرها قالت معيش  
وقف أتوبيسه وقال يابوليس  
يا القطة تنزل يامنمشيش  
حلفت ماهى نازلة ونزلت خرايبش  
إلحق ياشاويش جوه الاتوبيس قطة وخرايبش  
ومفيش نزول الباب مقفول  
طب مين مسئول على غلطة مفيش  
كسرى محبول كان م المعقول حبة تطنيش  
حولها لغول علشان بتقول والله معيش  
وكأنه لزوم على المهموم يفضل محروم لو حب يعيش



## حمادة عزو

عارفين حمادة عزو ابن ماما نونة  
خلص كل وزه وجوز حمام برزه في فطار وكان بطوله  
ويادوبه خالص أكله واتمدد على بطنه وبالعافية صرفوله  
مفجوع حمادة عزو وعنده بال طويل  
لاحاجة بتستفزه ولا عمره ف يوم يشيل  
وحياته هزل ف هزل والجد ده مستحيل  
يا حمادة عيشها صح الدنيا كد ودح  
مش بس اصل وعيلة  
الدنيا فوق وتحت ودومتها مستحيلة  
تخيل لو سمحت لو ماما نونة بح  
حتعمل ايه يا حيلة



# بكار

بكار رايج حلايب للأهل والقرايب وصحابه وحتته

ومعاه م الفول ذكايب وعدس بجبته

وملوحه للحبايب ووصاية لجدته

سايق الركايب لاختايف ولا هايب وف ايده معزته

مشتاق يروح حلايب وتكمل فرحته

ويحقق حلم عمره ورشيده صاحبه

وف يوم ماكان وصوله كل البلد قالوله تسلم يا ولد

مش لاجل حلو قوله وزيه ماتولد

عشان بكار حقيقي بجاوى نوبى صعيدى

تروح الايام وتيجى

مصرى للابد



## فرخة وتبن

الفرخة قالت للبطة  
أنا نفسى مرة اغطس وأعوم  
وأقعد وابلبط ف الميتة  
إنشالله حتى ساعة ف اليوم  
البطة ردّت بطلى خلط  
العموم ده لينا وز ويط  
لكن لغيرنا يعيش محروم  
ممكن تعومى يا فرخة بشرط  
يكون ف كوز والكوز محروم  
وف يوم صحينا صويت وعويل  
والبطة تبكى على بيضاها  
فلاح بإيده كان بيشيل  
إتكب تبنيه على بيتها  
الفرخة والله بدون تفكير

ع الكومة قامت نبشتها  
البطة قالت آسفة كثير  
على غلظه كانت ف جارتها  
والجارة عملت كل الخير  
وجميلها طوق على رقبتها  
وإدت رسالة لكل الطير  
مانسيش جارة ف محتها

## سوكا بكيوكا

سوكا بكيوكا اشترى أرنب  
وطول اليوم وياه يلعب  
يعمل تكّة ف البطة  
وفي القطة يعمل مقلب  
يمشى يعاكس في البقرة  
ويرمى بطوبه على الشجرة  
وف يوم التعلب خد باله  
راح وإدارى ورا الحجره  
جاله الأرنب من حاله  
لمّا شاورله بالجزرة  
ومجاش أبدا ف خياله  
إن نهايته منتظرة  
ورجع التعلب لعياله  
ومعاه العشوة المعتبرة

وضاع الأرنب يا سوكة  
بذنب البطة و البقرة  
وظلم القطة الغنطوة  
ورمى الطوبة على الشجرة

## هوبا التوبا والفيل بومبا

هوبا التوبا خلاص مش قادر والمشوار قدامنا طويل

وح جيبها لكم كده م الاخر

مايشيل هوبا إلا الفيل

رد الفيل إرحمني يا راجل

أنا مش ناقص حمل ثقيل

هوبا التوبا طخين بجلاجل

ويادوب ونش عشان مايشيل

فجأة وهوبا قام على حيله راح للفيل ويديله

مين فينا يا بومبا طخين و بكرش

هوبا التوبا اللي مفيش غيره ولا الفيل ابوخمسة بقرش

إنسى ياهوبا مايستاهل مسكين بومبا سنين ماسافرش

واللى ماسافرده أكيد جاهل و تاريخ هوبا كان ماذاكرش



## البت منة

عارفين البنت منة اللي ف تالته تاني

أم جيبة بمبي وبلوزة برتقاني

عارفة كان وإنّ واخواتهم ميمي وهاني

وبتكتب ف المجلة ع الجمع والمثني

وازاي ببس رنة تفردهم ف ثواني

وتكره حرف العلة ومعها كل الشلة

عشان دا حرف أناني

محذوف من كل كلمة و ف التعبير والإملا

ومعاه الجملة تعاني

وشايفة الحال مذلة ومفيش غير لن وإلا

والظرف بالأدلة بيشوه المعاني

يالآ بينا يالآ نعمل زي منة

ننسى لن وإلا

ونحذف حرف العلة م الترم الاولاني



# نونو

نونو كان بياكل ممة نونو وتش  
شاف القطة جاية قال للقطة بس  
راحت القطة عاندة وواقفة ف الفراندة  
ويس ما بستش  
يا عيني بس هو وجرى على جوه  
وضاع السندوتش  
مع ان القطة حلوة ولا قطة ف ظرفها  
لكن يا عيني هو مقدرش يبسمها  
وجرى راح لمامته آوام وقالها  
يا ماما نفسى أكبر حتى لو سنة  
أشب فيها واطول حبة صغنة  
وابس أى قطة بيدوبك بس بصة  
من غير ما بس انا



## قطة وسمكة وفرخة وديك

قطة وسمكة وفرخة وديك  
دخلوا المطعم طلبوا فريك  
جرت القطة وراحت ناظة  
لمحت فارة ع الشبابيك  
خافت السمكة وقالت غلطة  
عمر القطة ماتبقى صديق  
ح ارجع بحرى فيه مملكتى  
ملكى لوحدى مالئا شريك  
جا الجرسون قال بردون  
أكل الليلة إجبارى بوفتيك  
قالت الفرخة يالا يا ديك  
قبل ماترسى وتيجى عليك  
لو يوم تلبس توب مش توبك  
لو يوم تمشى طريق مش ليك  
إيه ف الآخر أيه ح ينوبك  
ح تشوف ندمك مستنيك  
قطة وسمكة وفرخة وديك



## الديك الرومى خطب كتة

الديك الرومى خطب كتة

أحلى روميّة في الحتة

عمل الحفلة في العشة

بعد ماقادها وفرشها

ذكر البط طلع يجرى

قلب الشوربة على صدرى

وقالّى انا آسف مش قصدى

أصل التعلب من بدرى جنب العشة بيتمشى

لمحه الارنب من ضهره وهو ف ركنة بيتخفى

ح اطلع اقوله يشرفنا ييجى الحفلة ويتعشى


وبكام شومة على مقشّة بأكل التعلب نتوصى

علشان توبة يزجنا ولا يقرب م العشة



## الولا لولو

شايفين الولا لولو فرحان إزاي بطوله  
إمبارح كان قصير كان نفسه الباب يطوله  
دلوقتي مين يصدّق وصحابه بينادوله  
يترصوا خمسة ستة يادوبك يوصلوله  
عارفين الولا لولو ايه اللي طوله  
وخلى الناس لطوله من تحت تبصله  
لولو قد قوله ولا حاجه بتشغله  
بياكل المفيد ويعشق الجديد  
والصح بيعمله  
ويلعب الرياضة ويفتش ع السعادة  
والياس بيقتله



# كوكو كوكو

كوكو كوكو و كوكو كوكو والديك بيدارى في كسوفه

صحي م النوم متأخر سهران الليل بضيوفه

واهو ماشى أهوبيتعذر إيه ذنب الناس بطروفه

وبعد ما كان يتمخطر بقي خايف حد يشوفه

كوكو كوكو و كوكو كوكو

بيبص بطرف عنيه متأوب وكسلان

لتي قرص الشمس فوقيه بيلوم ويعاتب فيه ويقوله بقالى زمان

وكل الكون حواليه نور الصبح كاسيه وهو مش دريان

كوكو كوكو و كوكو كوكو

ندمان والكل يشهد ما عدت ف يوم راح أسهر

راح اقوم م النجمة وبدر وانادى بعزم ماقدر

كوكو كوكو و كوكو كوكو



## غلطة بطة

فاكرة زمان يا قطة كان عند جيرانا بطة  
مش مرّة جالها زغطة من كتر أكل الشطة  
والديك الرومي شافها وهو اللي ظبطها  
مش قالت يومها أسفة ودى اخر مرة وغلطة  
أهى رجعت تانى تكرر جنس عملها الأول وتزود غلاطاتها  
إمبارح عاملة ولايم وصحاب من كل مكان  
تترقص وتتايل وتغنى وهمّ كان  
وجارها الأرنب نايم بقاله إسبوع تعبان  
مش عيب إن إحنا نغلط دا مفيش ف الكون معصوم  
العيب إن إحنا نرضى لغلطنا يعيش ويدوم



## إدّي لتوتو امبو

إدّي لتوتو امبو إدّي لتوتو مم

خد يا توتو اشرب كل يا توتو هم

توتو لسه نونو شبر ونص طوله

يالآ آوام قولوله بعد ما كل ينن

عدى ودوس يا توتو يا أجمل كوتوموتو

واحننا نقولك تاتا واحد اتنين ثلاثة

ف كل مكان تفوته

حاسب وانت ماشى لتخبط في الكراسى

تخبط وانت ناسى المشى إيه شروطه

وساعتها كله يضحك وينادوا عليك بأسمك

كان بدرى عليك يا توتو



## الاسد والتعلب والفيل

وعاوجلى الفيل خرطومه وعاملّى كبير للدار  
وفجأة التعلب جاله شعللها التعلب نار  
قاله ملك الغابه بيقول إن إنت حمار  
قام الفيل يتنطط ويدهوس ع الضيوف  
المعزة والأرانب القرد والخروف  
وشاط الارض جامد نظور المساند وكسر الرفوف  
وكإن الحرب قامت ودقت الدفوف  
يا فلغل بالهداوة إتأنى فى الجواب  
ليه تصدق إبن آوى المكر والشقاوة روح وإسأل الغراب  
وحمارنا كان مين قدّه حاطط رجليه على خده  
وبقاله يومين ماسرحش  
زعلان واخذ على خاطره ونخبّط مايفتحش  
بسلامته قال مش عاجبه الفيل يتقاله يا جحش  
وادى الديك بيأذن ويحكى اللى حصل

ويقول يا أهل الغابة ملكوا اليوم وصل  
وكان من جمعة سافري يقضى اسبوع غسل  
وعلم باللى حاصل وهو في السفر  
ويا ويلك يا بن اوى ليه تكذب ع الاسد

## شوف التعلب ومكره

شوف التعلب ومكره والى جراه يستاهله  
راح للديك وبيندهله قاله افتحلى يا صاحبي  
جاني جواب من عند أهلى ممكن تيجى وتقراهلى  
اصل أهلى وضونى أي جواب بيعتوهولى  
أروح للديك يقراهولى  
وبعد ما يقرا يشرحلي  
رد الديك من ورا الباب  
من إمتي يا تعلب بقرا جواب  
ولا أنا وإنت كتّا صحاب  
انت مخادع كداب وانا عامللك ألف حساب  
روح لاهلك واحكيلهم إن الديك أذكى منهم  
فاهم مكرك وحيلهم  
وعمره ف يوم ما آمنهم  
شوف التعلب ومكره  
واللى جراه يستاهله



## عاوزين نحلم قد مانقدر

عاوزين نحلم قد مانقدر نحلم حلم ياخذنا ويكبر

يبقى حقيقة ومش ف دقيقة

بس ح يبجي اليوم وح يحصل

\*\*\*

انا عايزة أطول شبر ونص

بس بشرط الحبيبة ماتبوطش

ألعب سلّة واكيد ف الشلّة

وكله يشاور كده ويبص

لما يشوفوا البنت بتقدر

زى الولا تكسب وتقش

جائز باحلم وانا معرفش

بس قولولى وليه ما حامش

\*\*\*

وانا بصراحة بريمو سباحة وواد محصلش

ساعة وشوية تحت الميّة اغطس ولا ابنش

نطة جريئة ف بحر دقيقة أعدى المانش

جايز باحلم وانا معرفش

بس قولولى وليه ما حامش

\*\*\*

وانامن صغرى وغاوية علوم

نفسى ف مرّة أكسر ذرة واشوف جواها كم نيترون

والف الدنيا ف في فيمتو ثانية

وارجع تانى ف نفس اليوم

جايز باحلم وانا معرفش

بس قولولى وليه محامش

\*\*\*

نفسنا نحفر نيل في الصحرا

ويبقى ف مصر هرم ونيلين

ويجى اليوم ونصنع مطرة ونظبطها تنزل فين

ونزرع شجرة ف قلب الحجر

تطرح ثمرة ف بحر يومين  
جايز بحلم وانا معرفش بس قولولى وليه محامش  
عاوزين نحام قد منقدر نحام حام ياخدنا ويكبر  
يبقى حقيقة ومش ف دقيقة  
بس ح ييجى اليوم وح يحصل



# فهرس

٩	عيد ميلاد بودى
١٠	بق الننة
١٣	يالآيا تختخ
١٤	ميشو
١٥	أبوقردان
١٦	كذبة ابريل
١٧	ديك جيرانا عاكس بطة
١٩	قطة وطلعت ف دماغها
٢٠	حمادة عزو
٢٢	بكار
٢٤	فرخة وتبن
٢٦	سوكا بكيوكا
٢٨	هوبا التوبا والفيل بومبا
٣٠	البننت مئة
٣٢	نونو
٣٤	قطة وسمكة وفرخة وديك
٣٦	الديك الرومى خطب كتة
٣٨	الولا لولو
٤٠	كوكو كوكو
٤٢	غلطة بطة

٤٤

إِدِّي لِتوتو امبو

٤٦

الاسد والتعلب والفيل

٤٨

شوف التعلب ومكره

٥٠

عاوزين نحلم قد مانقدر

